



Suliffeqarfiit nerisassioffiusut nioqquteqartartullu

Akuersissuteqarneq

Suliffeqarfiit nerisassioffiusut Kalaallit Nunaanni Uumasunut nakorsaqaqnermut Inuussutissalerinermullu Oqartussaasunit (UNIO) akuerineqartartussaapput. Taamaattorli suliffeqarfiit nunatta avataanut nioqqutissiassanik nerisassioffiusut Danmarkimi Fødevarestyrelsenimit (FVST) akuerineqartarput.

Illutaa

Suliffeqarfimmik nerisassioffiusussamik aallartitsinnginnermi pingaartuuvoq illup siunertamut naleqquttuunissaata qulakkeeqqaarnissaa. Illutaani ilaatigut makku pigineqassapput:

- Erngup imerneqarsinnaasup pitsaassusissaatut pitsaassusilimmik naammattumik kuuginnartumik imeqassaaq.
- Kuuffiit naleqquttut/pitsaasut aserfallatsaaliorneqarsimasullu
- Eqqaaveqassaaq, eqqakkat eqqiluisaarfiusumik katersorneqarsinnaanngorlugit, uninngatinneqarsinnaanngorlugit peerneqarsinnaanngorlugillu.
- Sulisut inaat atisaasiviillu.
- Sulisunut perusuersartarfik asaffissartalik.



Init

Init siunertamut atorineqartussat aqqissuunneqarneri naleqquttuussapput tuniniaanermut, nerisassiornermut, peqqumaasiveqarnermut, kiisalu nillartaartitsivittut qerititsivittullu atugassatut. Init eqqiluisaaruminartunngorlugit ilusilersorneqassapput, aammalu atortut qaavi soorlu: nerriviit, ilisiviit il.il ajornaatsumik peqqissaarfiusumillu eqqiaruminartunngortinneqassapput. Nerisassat avatangiisinit mingutsinnaveerlugit inissinneqartassapput. Qulliit qaammaqquersuutillu assiaqutsersorsimassapput nerisassanik mingutsitsisinnaajunnaarsillugit. Naammattumik nalinginnaasumik sarfatortumilluunniit silaannarissarfeqassaaq. Tassa kissarsuutip uutsivittaasalu qulaani ammartartoqassaaq. Suliffeqarfiup uumasunut ajoqutaasinnaasunut assersuutigalugu silaannarissarfiit net-imik sullinernut illersuusersimanissaat qularnaarneqassaaq kiisalu uumasunut allanut soorlu: terissanut assigisaannullu.





Pequsersornera

Suliffeqarfiup initaasa aqqissuunnerini tunisassiornerup ingerlanissaa eqqarsaatigineqartassaaq. Nerisassiassat nerisassallu piariikkat immikkoortinneqartassapput. Naasuneersut (naatitat), uumasuneersullu (neqit) oqqanngitsut aammalu iffiukkat nerisassiarineqartut immikkoortinneqaaqqissaartassapput. Init eqqiaruminartuussapput.

Illumi atortut

Inississorneqassapput taamaalillutik naammaginartumik pitsaassusilimmik eqqiarneqarlutillu eqqiluisaartikkuminartunngortillugit. Atortut tunillannartuiaammik salinneqarsinnaassapput eqqiakulaneqarsinnaallutillu. Taamaattumik assersuutigalugu: qisuit atornaveersaartariaqarput.

Nerisassanik peqqumaateqarneq

Nillartaartitsiviit, qerititsiviit, kissalaartitsiviit uuttortarneqarsinnaasunik kissarneriuteqassapput.

Inimi nillartaartitsiviusumi qerititsiviusumilu kiisalu sikaavimmi kissalaartitsivimmi nillissuseq/kissassuseq uuttorneqartassapput suliffiullu nammineq nakkutilliinerata ilaattut nalunaarsorneqarlutik.

Nillissutsit/kiassutsit killissaat:

- Ini nillartaartitsivik, nillartaartitsiviillu: Annerpaamik: 5 °C
- Init qerititsiviit, qerititsiviillu: Annerpaamik -18 °C
- Sikaaviit kissalaartitsiviusut: Minnerpaamik 65 °C.



Inuussutissat suliarineqanngitsut (uunneqanngitsut) suliareriikkallu immikkoortinneqartassapput peqqumaasivinni.

Init peqqumaasiviit eqqiluillutillu torersuussapput. Inuussutissat natiinnarmut ilineqassanngillat, toqqavilerlugillu ilineqartassallutik.

Nerisassiassat

Pingaaruteqarpoq nerisassiassat pitsaasuunissaat.

Nerisassiassat oqqanngitsut, igariaannaat, piareeriikkallu nutaajullutillu peqqinnartuunissaat pingaaruteqarpoq.

Nioqutissat asiunikut atorneqaqqusaanngillat.





Nerisassiorneq

Inuussutissat suliarineqarnerminni peqqissaarunneqartassapput eqqiluisaarnissaq eqqarsaatigalugu.

Suliarinninnermut atatillugu kissassutsinut/nillissutsinut piumasaqaatit:

- **Aassiineq:** Nerisassanik aassiinermi nillartaartitsivik 5 °C-mik nillissuseqartassaaq, inip kissassusaa malinneqassanngilaq.
- **Kissaaneq:** Nerisassat kissanneqassagunik minnerpaamik 75°C-inik kissassuseqartinneqassapput.
- **Kissalaartitsineq:** Nerisassat tunineqarnissamik tungaanut kissalaartinneqassagunik minnerpaamik 65°C-inik kissassuseqartinneqassapput.
- **Nillarsaaneq:** Nerisassat nillorserneqassappata sivilunerpaamik 3 tiimit ingerlanerani 65°C-imit 10°C-imut nillorserneqassapput. Nerisassaq sivilunerpaamik 3 tiimit ingerlanerani 10°C-inngorlugi nillorsimangippat, 75°C-imut kissaqqinneqarsinnaavoq nillorseqqinneqarsinnaallunilu. Nerisassat annikitsunnguakkaarlugit poortorlugit nillarsarneqarsinnaapput. Nerisassaq piaartumik 75°C-imut piaartumik kissaqqinneqanngippat iginneqassaaq.

Kissassutsinut piumasaqaatit malinneqassapput nappaatinik pilersitsisinnaasunik bakteriaqalersinnaaneri pinaveersaartinniarlugu.

Poortuutissat

Inuussutissat/ nerisassat pooqartillugit nioqqutigineqassappata poortuutissat eqqiluitsuussapput, nerisassamullu mingutsitsisinnaassanatik. Eqqiluisarneq eqqarsaatigalugu Poortuutissat peqqissaarullugit inissinneqassapput peqqumaasivimmut.

Namineq nakkutilliineq

Tunisassiorneq tamakkerluni peqqissaartumik ingerlanneqarnerisooq suliffeqarfiup namineerluni nakkutigissavaa. Tamanna namineerluni nakkutilliinikkut pisassaaq, assersuutigalugu eqqiaanerup kingorna kiisalu peqqumaasivinni kissassutsimut eqqiluisaarnissamullu malittarisassat malinneqarnerisut nakkutiginnissaannut pilersaarusiornikkut.

Peqatigitillugulu suliffeqarfiup akisussaaffigaa nerisassat akuerineqarsinnaasumik pitsaassuseqarnissaat aammalu nerisassat nioqqutigineqartut nappaatinik pilersitsinnginnissaat qulakkiissallugu.

Eqqiaaneq

Inini akulikittumik eqqiaasoqartassooq, eqqiluisarneq eqqarsaatigalugu, minnerpaamik, ulloq suliviusoq ataasiarlumi, inini inuussutissaniu sulliviusuni.

Atortut, maskiinat sakkullu ullormi suliffiusumi minnerpaamik ataasiarlugit eqqiarneqarlutillu tunillannartuiarneqartassapput.

Tunillannartuiaanermi imeq qalattoq aalarluunniit atorineqarsinnaapput, taamaalilluni sivikinnerpaamik minutsit marluk 80°C-nik kissassusilimmik salinneqarlutik. Tunillannartuiaalluni salinermi aamma tunillannartuiaatit atorineqarsinnaapput.

Tunillannartuiaatinik atuisoqartillugu nerisassiornerup aallarteqqinnginnerani nerisassiornermi passussiviusut tamarmik salinneqassapput.





Inuttut eqqiluisaarneq

Suliffeqarfiup akisussaasuata nerisassioartarneq, uninngasuuteqarneq, nerisassanik isumaqatiginninniuteqarneq, eqqiaaneq tunillannartuiaanerlu kiisalu nammineq eqqiluisaarnissaq ipeersaarnissarlu pisariaqartut pillugit sulisut ilitsersuutissavai.

Sulisut nerisassaleritillugit nammineq eqqiluisaarnissaq tamatumuuna pingaartinneqartassaaq. Sulisut tulluurtunik ipiitsunillu sulinermi atisaqassapput, nasaqarlutillu.

Sulisut nerisassat aqutugalugit tunillaassinnaasunik napparsimanagerat nappaateqarneralluunniit pasitsaanneqarpat ilisimaneqarpalluunniit inuk pineqartoq nerisassaleriffiusumi sulissanngilaq, nerisassiat toqqaannartumik toqqaannangitsumilluunniit mingutsinneqarsinnaappata (assersuutigalugu timminneq amerlunnerilluunniit).

Sulisut nutaanik ikeqarpata ammartertunik, imermik pitarneqarsinnaanngitsumik mattuserneqassapput, taamaaliornikkut nerisassat mingutsinneqarsinnaannginniassammat

Sulisut eqqiluisaarneq pissutigalugu piumasarineqartutut akulikitsigisunik, kiisalu perusersarnerit kingorna sulinerullu aallartinnginnerani tamatigit assatik asattassavaat. Imeq kissartog, qaqorsaata allarutillu ataasiartakkat atorneqartassapput. Inini suliarinniffiusuni toqqorsivinnilu pujortarneq imaluunniit nerinissaq imernissarlu akuerisaanngillat. Inini suliarinniffiusuni toqqorsivinnilu inuit pigisaasa toqqorsimanissaat akuerisaanngilaq Sulisut pigisaat sulisut atisaasivianniitinneqassapput.



Suliffeqarfiit inuussutissaleriffiusut pillugit apeqqutissaqaruit taava attavigiuk:

Kalaallit Nunaanni Uumasunut Nakorsaqaqarnermut Inuussutissalerinermullu Oqartussaqaarfik Aqqusinersuaq 31, 2. tv.

Postboks 269

3900 Nuuk

Oqarasuaat : +299 34 50 00

Mail: uumasut@nanoq.gl